

Storia dla Pasiun: l'Uniu Teater La Val adöm al Cor de Dlijia porta la storia dla Pasiun sön paladina con le toch musical "Nia de parora", dal todesch "Die Ungetreuen – Eine Jüngerpassion in fünf Akten" de Karl Herbst, sot ala regia de Matteo Rubatscher. La storia dla Pasiun jobelnada ete te nosta realté con situaziuns y personaji dlungia al dedaencö con musiga fora dal "Messias" de G. F. Händel, co se entegreia tla representaziun y ven portada dant dal Cor de Dlijia da La Val con orchestra sot ala direziun de Elio Cara. Premiera: vendres ai 19 d'otober ales 20:00. Atres representaziuns: domegna ai 21 ales 16:00, jöbia ai 25 ales 20:00, sabeda ai 27.10 ales 20:00, domegna ai 28 ales 16:00 te dljia da La Val. Posc nia numerés. Enformaziuns, ☎ 333 8236384.

KVW Seniorenclub: en dedemesaledema ai 10 d'otober peiun ia ales 13:00 cole bus dal Cone demez, por jí cina Milland. Enló ván ennant a pe cina Albeins (za n'ora, saori da jí). Chi co n'é nia bogn da jí, pó jí cole bus. A Albeins ván a törggelen tal Hofkeller. Bus y marena zonza boandes costa 25,00€. Prenotaziuns pa Lidia, ☎ 339 7899107.

Raiun Sozial Val Badia: "Tomades, na iolan!" Prevenziun dles tomades dla jont de tomp - na iniziativa dla Azienda Sanitaria de Südtirol, en vendres ai 12 d'otober ales 14:30 te Istitut Ladin a San Martin con le dot. Aldo Marcocci, Silvia Pitscheider - dietista, Valeria Moling - infermiera y Pepi Costner - fisioterapista. An dess conesce i fatur de risch y i fatur de proteziun tal ambient olache an vir y odei ete l'emportanza dl'ativité fisica tla prevenziun dles tomades. Gnide trec!

Encuntada te Ciasa de Palsa: la Ciasa de Palsa Ojöp Frëinademetz envieia dötes les porsones enteressades ala incuntada con Sara Moling da Lungiarü co baiará de söa esprionza fata tratan so iade tal Brasile. I s'aspetun en dedolönesc, ai 9 d'otober ales 15:30 te Ciasa de Palsa a San Martin.

Biblioteca: le Consei de Formaziun d'Al Plan y la biblioteca "Angelo Trebo" envieia a na encuntada con Sara Moling da Lungiarü co cunta dles esperionzes che ara á fat dertan so iade t'l'India. I s'aspetun en dedemesaledema ai 10 d'otober ales 20:00 te biblioteca a Al Plan.

Le Sorvisc ai Jogn: le SaJ lascia alessi che al met endô man le proiet "Laur davert por la joneza". Dertan les ores de daurida, acompagnades, ciafa i jogn y jones dla scora mesana y alta la poscibilité da s'encunté y passé so tomp lede adöm con compagns. Emplü ti vegnel pité de vigne sort de ativités, olache ai pó se devertí. Le local dai jogn d'Al Plan é davert vigne dedolönesc dales 14:30 ales 17:30 y la palestra é daverta vigne jöbia dales 14:30 ales 17:30.

Döt le bun a: Vesco Ivo Muser ordinaziun 09.10.2011
 Ida Rigo Pettriffer, Fones * 10.10.1943
 Maria Rigo ved. Daverda * 11.10.1935
 Metilde Frontull ved. Vollmann * 12.10.1914
 y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastoral.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



Ann B

FESTA DE SANTA MARIA DAL ROSARE

n. 45

I sun la fancela dal Signur; al sozedes con mé desche t'as dit.

☞ St. Ap 1, 12–14 | Gal 4, 4–7 | Lc 1, 26–38

Dal Vangelo do San Lūca:

²⁶Te chel tomp é l'agno Gábriel gnü mené da Idio te na ciüté tla Galilea dal ennom Názaret ²⁷da na vérgine; ara ea empormotüda a n el dla ciasa de Davíde co á ennom Ojep, y l'ennom dla vérgine ea Maria. ²⁸L'agno é jü ete da d'era y á dit: Ave, tö plena de grazia, le Signur é con te. ²⁹Ara s'á spordü da gni baiada ados ensiö y ara ponsâ do, ci che cösc salüt dea significhé. ³⁰Danló ti á l'agno dit: No te temei, Maria; deache t'as ciafé grazia pa Idio. ³¹Te ciafaras y metaras al monn n möt: a d'el desste ti meter ennom Gejú. ³²Al sará gran y gnará nominé Fi dal Altiscim. Dio, le Signur, ti dará le tronn de so pere Davíde. ³³Al regnará sora la ciasa de Iacob por dagnora y söa regnanza n'ará degüna fin. ³⁴Maria ti á dit al agno: Co dess pa cösc sozeder, deach'i ne conesci degün el? ³⁵L'angelo ti á respognü: Le Spirit Sant gnará sön te y la forza dl Altiscim destenará söa ombria sora te. Chel co nasciará sará porchel sant y gnará nominé Fi de Dio. ³⁶Ince Elisabeta, töa parenta, á ciamó conzepí n fi te söa eté; sciömía ch'an aratâ ch'ara ne ciafass nia plü mituns, éra sen belo tal sesto mens. ³⁷Pro Idio ne n'él nia de imposcibl. ³⁸Danló á dit Maria: I sun la fancela dal Signur; al sozedes con mé desche t'as dit. Spo s'an é l'angelo jü demez da d'era.

Oraziun dal de

I periun. Dio onipotent, jüta ete töa grazia te nüsc cörs. Con l'anunziaziun dal angelo, anse conesciü l'encarnaziun de Gejú Crist, to Fi. Fá ch'i gnunse degns, por i miric de söa pasciun y mort, da tó pert ala gloria de söa ressureziun. Por Gejú Crist, nosc Signur. Amen.

(Lezionar)



☞ Letöres dla 28. domegna ia por l'ann:

Sap 7, 7–11 | Ebr 4, 12–13 | Mc 10, 17–30

Edema liturgica dai 07.10. ai 14.10.2018

DOM 07.	27. domegna ia por l'ann SEGRA DAL ROSARE <i>lustina,</i>	
08:30	gran messa en onú de Santa Maria d'La Pli por döta la ploania ♫ Ernst Tittel, "Kleine Festmesse" <i>oferta por i debojügn dla ploania</i>	
14:00 <i>10:00</i>	espi da festa y prozesciun en onú de Santa Maria fora Brach <i>s.m. a Al Plan</i>	
Lön 08. <i>07:30</i>	<i>Sciomun, Sara, Günther</i> <i>s.m. a Al Plan</i>	
Ded 09. → 07:45	<i>Dionisius, Johannes Leonardi, Sibylle</i> s.m. dai scolari por vis y †† dla familia d'Ansele s.m. por † Josef Kosta, Framacia s.m. por les Püres Armes	
Dem 10. <i>18:00</i>	<i>Daniele Comboni, Victor</i> <i>s.m. a Al Plan</i>	
Jöb 11. 19:30	<i>Giovanni XXIII^o, Bruno</i> s.m. de rengraziamont dla fam. Robert y Petra Willeit, Soratrú s.m. por i nüc Veronica Frontull y Matthias Thaler s.m. por vis y †† dla familia de Lex	
Ven 12. <i>07:10</i>	<i>Maximilian, Gottfried, Serafin</i> <i>s.m. a Al Plan</i>	
Sab 13. 07:30 <i>18:00</i>	<i>Sabeda de Santa Maria Eduard, Andreas L., Aurelia</i> s.m. por † Jan Ellecosta, Stifler s.m. de rengraziamont dla fam. Otto y Heidi Ellecosta, Gogn s.m. por les Püres Armes <i>s.m. prefestia a Al Plan</i>	
DOM 14.	28. domegna ia por l'ann Festa dai Ministronc <i>Calist I.Alan</i> al met man l'Edema dla Fede dl'Unité pastorala	
08:30 11:30 <i>10:00</i>	gran messa por döta la ploania <i>oferta por i debojügn dla ploania</i> funziun dal Bato de Andreas Ritsch <i>s.m. a Al Plan</i>	
<i>ampola:</i>	por fam. Robert y Petra Willeit, Soratrú	
<i>ministronc:</i>	▶ da doman y domegna: Rosina Konrater y Natalie Comploi ▶ da sera y domegna: Denise Erlacher y Johanna Konrater	
<i>i recordun:</i>	Beniamin Ellecosta, <i>Valdaora</i> Ioanna Pedevilla Schmitzer, <i>Australia</i> Heinrich Obojes, <i>Al Plan</i> Vigile Obojes, <i>Al Plan</i>	+ 07.10.2010 + 07.10.2016 + 12.10.2014 + 13.10.2013



„Ich bin die Magd des Herrn“ (Lc 1, 26–38)

[...] Aufgrund des Glaubens nahm Maria das Wort des Engels an und glaubte der Botschaft, dass sie im Gehorsam ihrer Hingabe die Mutter Gottes werden sollte. Als sie Elisabeth besuchte, stimmte sie ihren Lobgesang auf den Allerhöchsten an für die Wunder, die er bei denen vollbrachte, die sich ihm anvertrauen. Mit Freude und Bangen gebar sie ihren einzigen Sohn und bewahrte unversehrt ihre Jungfräulichkeit. Im Vertrauen auf Josef, ihren Bräutigam, brachte sie Jesus nach Ägypten, um ihn vor der Verfolgung des Herodes zu retten.

Mit demselben **Glauben** folgte sie dem Herrn während seiner Verkündigung und blieb bei ihm bis zum Kalvarienberg. Im **Glauben** kostete Maria die Früchte der Auferstehung Jesu, und indem sie alle Erinnerungen in ihrem Herzen bewahrte, gab sie diese an die Zwölf weiter, die mit ihr im Abendmahlssaal versammelt waren, um den Heiligen Geist zu empfangen.

Benedikt XVI. (Porta Fidei)



La corona



Amesa la oraziun dla corona (dal rosare) stá Gejú Crist. Con Maria ciarunse sön söa vita, pasciun, mort y ressozeziun.

Degügn ne l'á conesciü y acompagné por les staziuns de so tru desco Maria - cina sot la crusc. Te era s'á desmostré la potenza dla ressozeziun: ara é gnüda tuta sö tla gloria de Dio y é diventada segno de speranza por la Dlijia y por l'umanité.

→ I proun da perié pla corona ladina ince la „Salve Regina“ tal lingaz dla oma:

Salve, Regina, oma de misericordia, nosta vita, nosta bunté y speranza: i te salüdü. Da te gnünse nos püri fis d'Eva. Te te cherunse en aiüt te cösta val de lagrimes. Oh, bona oma, ciara de nos te töa misericordia y, do cösta vita, móstresse le früt benedí de to gremio, Gejú. Amen

„Laldun le Signur“



Vita de ploania y de paisc

- **Joneza d'La Pli:** do dui agn de ativité dal consei atual édl eniann endô les **lites dal consei dla Joneza SKJ**. La cherta da lité (co gnará partida fora/menada por posta) pón dé jö **dai 1 d'otober cina ales 19:00 dai 14 d'otober** te öna dles scatores motüdes fora te Dlijia, sö dla Gran Ciasa o jö Sotrú. La **sontada generala** gnará spo fata **ai 27 d'otober ales 20:30** te salf dles manifestaziuns. Enló gnarál motü sö le consei nö por slü jö adöm la serada pa na bona cena y val da bere.
- **Conzert:** la Musiga d'La Pli envieia **en sabeda ai 13 d'otober**, ales 20.00 te Ciasa dles Uniuns al konzert dai **jogn dla musiga**.
- **Joneza da Paur:** la Joneza da Paur d'La Pli envieia chi co sa y chi co ô emparé da slafé en **domegna ai 14 d'otober** dales 11:00 ennant sön Prades-Formiás (pre da Corterei); en cajo de bor' tomp gnarál desdit.